

Broj: 420/21
Tuzla, 15.6.2021 . godine

Na osnovu člana 105. stav (1) tačka c) Zakona o osnovnom odgoju i obrazovanju- prečišćeni tekst („Službene novine Tuzlanskog kantona“, broj: 10/20), člana 19. stav (4) Zakona o izmjenama i dopunama Zakona o osnovnom odgoju i obrazovanju ("Službene novine Tuzlanskog kantona", i Odluke Školskog odbora o raspisivanju konkursa za izbor i imenovanje direktora broj: 295/2021 od 26.05.2021. godine, Javna ustanova Osnovna škola „Pasci“ Pasci, raspisuje

KONKURS
za izbor i imenovanje direktora Javne ustanove Osnovna škola „Pasci“

Raspisuje se konkurs za izbor i imenovanje direktora Javne ustanove Osnovne škole "Pasci" Pasci na mandatni period od 4(četiri) godine.

Opis poslova

Direktor škole rukovodi školom i obavlja poslove u skladu sa članom 111. stav (1) Zakona o osnovnom odgoju i obrazovanju – prečišćeni tekst („Službene novine TK“ broj: 10/20 i 8/21), kao i drugim važećim propisima kojima su određeni poslovi direktora osnovne škole koje imaju status javne ustanove, odnosno kojima je uređen sistem rukovođenja javnim ustanovama osnovnog obrazovanja na području Tuzlanskog kantona (dalje: TK).

II

Opći uslovi

Kandidat za direktora škole obavezan je ispunjavati sljedeće opće uslove:

- a) da je državljanin Bosne i Hercegovine,
- b) da je zdravstveno sposoban za obavljanje poslova direktora škole,
- c) da se na njega ne odnosi član IX stav (1) Ustava Bosne i Hercegovine,
- d) da nije osuđivan za krivično djelo,
- d) da nije kažnjavan iz oblasti privrednog prestupa i da mu nije izrečena zaštitna mjera zabrane vršenja poslova nastavnika, stručnog saradnika ili direktora škole.

Posebni uslovi

Kandidat za direktora škole dužan je ispunjavati sljedeće posebne uslove:

- a) da ima najmanje VII stepen stručne spreme, odnosno visoko obrazovanje najmanje prvog ciklusa Bolonjskog sistema studiranja,
- b) da ima najmanje pet godina radnog iskustva poslije sticanja odgovarajuće stručne spreme na poslovima nastavnika ili stručnog saradnika škole,
- c) da ima položen stručni ispit za samostalan rad na poslovima nastavnika ili stručnog saradnika škole,
- d) da ima program rada i razvoja škole za period na koji se imenuje direktor,
- e) da nije član izvršnih organa političkih stranaka,
- f) da mu u posljednje tri godine prije dana objavljivanja konkursa nije otkazan ugovor o radu zbog disciplinske odgovornosti ili u istom periodu izrečena disciplinska mjera otpusta iz državne službe,
- g) da nema direktan finansijski ili drugi lični interes u Javnoj ustanovi Osnovna škola „Pasci“ Pasci , koji bi mogao dovesti do sukoba sa dužnošću direktora,
- h) da nije pravosnažno osuđen za neko od krivičnih djela iz člana 87. stav (1) Zakona o osnovnom odgoju i obrazovanju – prečišćeni tekst („Službene novine TK“ broj: 10/20 i 8/21) što ga čini nepodobnim za rad sa djecom,
- i) da u toku trajanja mandata ne stiče uslove za odlazak u penziju shodno odredbama Zakona o radu („Službene novine FBiH“, broj: 26/16 i 89/18),
- j) da u posljednje četiri godine zbog svoje krivice nije razriješen dužnosti direktora neke od odgojno-obrazovnih ustanova,

k) da nije obavljao dužnost direktora dva uzastopna mandata u Javnoj ustanovi Osnovna škola „Pasci“ Pasci .

Za direktora škole ne može biti imenovano lice koje ne ispunjava opće i posebne uslove konkursa.

Potrebna dokumentacija

Uz prijavu na konkurs konkurs koja sadrži kraću biografiju, kandidati su dužni dostaviti dokaz o ispunjavanju općih i posebnih uslova konkursa , odnosno sljedeću dokumentaciju(original ili ovjerene kopije ne starije od šest mjeseci):

1. Uvjerenje o državljanstvu,
2. Dokaz o stručnoj spremi,
3. Potvrda o radnom iskustvu, izdata od strane škole da ima najmanje pet godina radnog iskustva na poslovima nastavnika ili stručnog saradnika škole,
4. Uvjerenje izdato od nadležnog suda da nije kažnjavan iz oblasti privrednog prijestupa i da mu nije izrečena zaštitna mjera zabrane vršenja poslova nastavnika, stručnog saradnika ili direktora škole,
5. Uvjerenje o položenom stručnom ispitu za samostalan rad u obrazovanju,
6. Program rada i razvoja JU Osnovna škola „Pasci“ Pasci za period na koji se imenuje direktor,
7. Ovjerenu izjavu kandidata da se na njega ne odnosi član IX stav (1) Ustava BiH,
8. Ovjerena izjava kandidata da nije osuđivan za krivično djelo,
9. Ovjerena izjava kandidata da nije u skladu sa članom 87. Zakona o osnovnom odgoju i obrazovanju nepodoban za rad s djecom ,
10. Ovjerena izjava kandidata da nije član izvršnih organa političkih stranaka,
11. Ovjerenu izjavu kandidata da mu u posljednje tri godine prije dana objavljivanja konkursa nije bio otkazan ugovor o radu zbog disciplinske odgovornosti ili u istom periodu izrečena disciplinska mjera otpusta iz državne službe,
12. Ovjerena izjava kandidata da nema direktan finansijski ili drugi lični interes u JU Osnovna škola „Pasci“ Pasci , koji bi mogao dovesti do sukoba sa njegovom dužnošću direktora,
13. Ovjerena izjava kandidata da nije obavljao dužnost direktora dva uzastopna puna mandata u JU Osnovnoj školi "Pasci" Pasci,
14. Ovjerena izjava kandidata da u posljednje četiri godine zbog svoje krivice nije razriješen dužnosti direktora neke od odgojno-obrazovnih ustanova i da u mandatnom periodu shodno odredbama Zakona o radu ne stiče uslove za odlazak u penziju,

Pod ovjerenom izjavom podrazumijeva se izjava ovjerena od strane nadležnog gradskog ili općinskog organa uprave, odnosno izjava ovjerena od strane notara.

Kandidat koji bude imenovan za direktora dužan je prije stupanja na dužnost dostaviti:

- a) Ljekarsko uvjerenje nadležne zdravstvene ustanove (ne starije od tri mjeseca) i
- b) Izjavu ovjerenu strane nadležnog organa o odstupanju sa pozicije predsjednika ili člana školskog odbora, ukoliko je u momentu imenovanja obavljao navedenu dužnost.

III

Rok za dostavljanje prijava

Rok za dostavljanje prijava na ovaj konkurs je 15 (petnaest) dana od dana objavljivanja u dnevnom listu „Dnevni avaz“.

Prijave na konkurs, sa traženom dokumentacijom, mogu se dostaviti neposredno na protokol Javne ustanove Osnovna škola „Pasci“ Pasci ili putem pošte preporučenom pošiljkom, na adresu škole:

Javna ustanova Osnovna škola „Pasci“ Pasci,
Pasci Donji bb
75274 Donje Dubrave

Sa naznakom:“Prijava na konkurs za direktora škole – NE OTVARATI“

Nepotpune i neblagovremene prijave neće se uzimati u razmatranje.

IV

Postupak imenovanja direktora

Nakon provjere blagovremenosti i potpunosti pristiglih prijava školski odbor sastavlja listu kandidata koji ispunjavaju uslove tražene ovim konkursom.

Za kandidate koji ispunjavaju uslove tražene ovim konkursom školski odbor će pribaviti stručno mišljenje Pedagoškog zavoda TK, a nakon toga, za kandidate koji su dobili pozitivno stručno mišljenje, saglasnost Ministarstva obrazovanja i nauke TK.

Za direktora škole školski odbor imenuje kandidata koji je prethodno dobio pozitivno stručno mišljenje Pedagoškog zavoda TK, saglasnost Ministarstva obrazovanja i nauke TK i za kojeg je glasala većina od ukupnog broja članova školskog odbora, na osnovu vlastite ocjene dostavljenog Programa rada i razvoja škole za period na koji se imenuje direktor.

Školski odbor može punovažno odlučivati i ukoliko se na javni konkurs prijavio samo jedan kandidat koji ispunjava tražene uslove za direktora škole. Lice može biti imenovano za direktora iste škole čiji je osnivač Skupština Kantona više puta, ali ne više od dva uzastopna puna mandata.

Kandidat koji nije dobio saglasnost Ministarstva obrazovanja i nauke TK ne može biti imenovan za direktora škole.

Odluka školskog odbora o imenovanju direktora je konačna.

Stupanjem na dužnost imenovani direktor zaključuje ugovor o obavljanju poslova direktora Javne ustanove Osnovna škola „Pasci“ Pasci na puno radno vrijeme, koji u ime škole potpisuje predsjednik školskog odbora ili drugo za to ovlašćeno lice.

V

Period imenovanja

Direktor škole imenuje se na mandat – period od četiri (4) godine.

VI

Način obavještanja kandidata o rezultatima konkursa

O rezultatima ovog konkursa kandidati će biti obavješteni u pisanoj formi, u roku od osam (8) dana nakon donošenja odluke o imenovanju direktora. Odluka o imenovanju direktora škole je konačna.



Predsjednik školskog odbora

Hasančević Muamera
(mr. Hasančević Muamera)